



# education

Department:  
Education  
**REPUBLIC OF SOUTH AFRICA**

## NATIONAL SENIOR CERTIFICATE

**LIBANGA 12**

**SWAHL.3**

**SISWATI LULWIMI LWASEKHAYA (HL)**

**LIPHEPHA LESITSATFU (P3)**

**LWETI 2009**

**EMAMAKI: 100**

**SIKHATSI: 2½ ema-awa**

**Leliphepha linemakhasi lasi-6.**

# MORNING SESSION



**TICONDZISO KULABAHLOLWAKO**

1. Leliphepha lehlukaniwe tigaba letintsatfu:  

SIGABA A: Indzaba (50)

SIGABA B: Ematheksthi emibhalombiko lemidzana (30)

SIGABA C: Ematheksthi lamafisha emibhalombiko/ laticukatsilwati (20)
2. Phendvula munye umbuto esigabeni A, munye esigabeni B, namunye esigabeni C.
3. Bhala tonkhe timphendvulo ngeSiswati.
4. Cala leso naleso sigaba ekhasini lelisha.
5. Hlela (Sib. libalavemcondvo, umdvwebo, ifuloshadi, njll.) uphindze uhlunge emaphutsa emisebentini wakho. Cala ngeluhlaka ngembikwekubhala indzaba.
6. Luhlaka aluvetwe ngalokucacile. Dvweba umugca lovundlile etikweluhlaka.
7. Citsa lokungenani imizuzu lengema-80 esigabeni A, lengema-40 esigabeni B nale ngema-30 esigabeni C.
8. Tinombolo tetimphendvulo atihambisane naleto letisephepheni lemibuto njengobe tinjalo.
9. Nika leyo naleyo mphendvulo sihloko lesifanele.  
CAPHELA: Sihloko asinganakwa nakubalwa linani lemagama.
10. Bhala ngebunono nangesandla lesifundzekako.

**SIGABA A****UMBUTO 1**

Bhala indzaba **ngasinye** saletihloko letilandzelako ibe ngemagama langabi ngaphasi kwalali-340 aphindze angabi ngetulu kwalali-390.

- 1.1 Kukhona labatsi kwandza kwebugebengu kulelive kubangwa ngulabantfu labachamuka kulamanye emave. Ngabe uyavumelana yini nalombono? Bhala indzaba ngemibono yakho.

**[50]****NOBE**

- 1.2 Kulamalanga sekwandze imibiko yekungalawuleki kwebafundzi etikolweni. Bhala indzaba usho kutsi yini lengentiwa kubuyisela sitfunti sekufundza etikolweni.

**[50]****NOBE**

- 1.3 Bhala indzaba uyicondzise kulesitfombe lesingentasi. Indzaba yakho yinike nasi sihloko: 'Kuhle Ketfu!'

**NOBE**

- 1.4 Imali iyimphendvulo yako konkhe kantsi iphindze ibe yimphandze yesono. Bhala indzaba leveta lombono sobala.

**[50]****NOBE**


- 1.5 Licembu laseNingizimu Afrika alikasebenti kahle emdlalweni wema-olimpikhi lebewubanjelwe eBeijing. Ngekubona kwakho yini lebangele loku kantsi futsi yini lengentiwa kute kungaphindzi kwenteke loku esikhatsini lesitako?

**[50]****NOBE**

- 1.6 Leningakwenta nanginganikwa litfuba lesibili lekucala kabusha imphilo yami.

**[50]****NOBE**

- 1.7 Bhala indzaba ngekunukubeteka kwemanti ucondzise kulokwenteka kulesitfombe lesingentasi.

**[50]****NOBE**

- 1.8 Umtselela wekwehla kwemnotfo wemave emhlaba kulelive laseNingizimu Afrika.

**[50]****SAMBA SIGABA A:****50**

**SIGABA B****UMBUTO 2**

Khetsa **kunye** kulokulandzelako ubhale ngako ngemagama langabi ngaphasi kwalali-100 aphindze angabi ngetulu kwalali-120.

**2.1 INCWADZI LEHLELEKILE**

Usola sengatsi kukhona lokunuka santungwana kamakhelwane wakho. Bhalela umphatsisiteshi semaphoyisa sangakini umatise ngaletinsolo takho usho nekutsi yini lena lekusolisako.

**[30]****NOBE****2.2 UMLANDVOMUFI**

Ushonelwe ngumnakenu lobekangusopolitiki. Ucelwe ngumndeni kutsi ubhale umlandvo wakhe njengobe nilungiselela inkonzo yesikhumbuto sakhe. Bhala lomlandvo.

**[30]****NOBE****2.3 LUHLELO NEMAMINITHI EMHLANGANO**

Ungumabhalane wenhlangano iVukutentele. Nifuna kuhlomula kulamattuba latawuvetwa ngulomdlalo wendzebe yemhlaba yeFIFA yanga-2010. Ubite umhlangano wemalunga kutewudzingidza loludzaba. Bhala luhlelo nemaminithi alomhlangano.

**[30]****NOBE****2.4 INKHULUMOMPHENDVULWANO**

Thishela ukushayile ngobe ungakawenti umsebenti wesikolo. Awukabe usapholisa maseko, wacondza ekhaya wayobikela umtali wakho ngalesehlakalo. Umtali wakho uvele watfukutsela wagana lunwabu wacondza ehhovisi lathishelanhloko. Bhala inkhulumiswano/inkhulumomphendvulwano emkhatsini wemtali wakho nathishelanhloko ngalenzaba.

**[30]****SAMBA SIGABA B: 30**

**SIGABA C****UMBUTO 3**

Khetsa **kunye** kulokulandzelako ubhale ngako ngemagama langabi ngaphasi kwalangema-80 aphindze angabi ngetulu kwalali-100.

**3.1 SIKHANGISO**

Unelibhizinisi lekutfutsa bantfu labavakashela etindzaweni letikhashane. Khangisa lelibhizinisi lakho kute utewutfole emakhasimende lamanyenti. Veta yonkhe imininingwane yakho, tihlobo tetitfutsi, emanani netindzawo lotawuhambela kuto.

**[20]****NOBE****3.2 TICONDZISO**

Usebenta esikhungweni sekulondvolota imvelo. Kulesikhungo senu kufika tivakashi letinyenti titewutfole imvelo. Bhala ticondziso lotatifaka esangweni lalesikhungo lapho watisa khona tivakashi indlela lekumele titiphatse ngayo nativakashele lesikhungo.

**[20]****NOBE****3.3 LIKHADI LESIMEMO**

Sikolo senu sitawucedza iminyaka lengemashumi lamabili nesihlanu savulwa. Nihlele kwenta umcimbi lomkhulu wekubungata lolusuku. Njengamabhalane wemkhandlu webatali bhala likhadi lesimemo umeme tikolo lenakhelene nato kutsi titewunisingatsa kulomcimbi.

**[20]****SAMBA SIGABA C: 20****SAMBA: 100**